

**"Egunkaria
kriminalizatzeko
egitasmo politikoan,
EAJk erantzukizun
erabatekoa izan zuen"**

Josu Landa (Berrian)

argia.eus-en ikusgai



**Jakintza, gure hazi
garrantzitsuen**

Auto formakuntza, belaunaldiz belaunaldi informazioa transmititzea, ondokoekin jakintzak partekatzea... Jakintza ondasun kolektibo gisa ulertzea aurrera jarraitzeko.



Kate begiak

Goñiko udalekuaren 30 urteko ibilbidean lanean aritu diren eta egun ari diren testigantzak, sentipenak eta hausnarketak bildu dituzte dokumentalean.

Fronte Nazionala (FN)
Eskuina eta zentroa (LR eta UDI)
Partidu Sozialista (PS) eta aliatuak (Berdeak)
(Femu a Corsica eta Corsica Libera alderdi abertzaleak)



Frantzia larrialdi egoeratik atera da, behin-behinean

Mikel Asurmendi
@masurmendi

Frantzia shock egoeratik atera da edo zaintza berezitik, aldi baterako behintzat. FN da frantziarren gaitza. Boterean dagoen PS galtzaile izan da LR alderdiaren (Les Républicains) mesederako. Sarkozy eskuindarrak -FNren muturrean ia- aurrea hartu die Hollande presidente eta Valls lehen ministroari. FNri aurre egiteko egungo politikaren ezaugarriak honelako epitetoak jaso ditu: manipulazioa, arduragabekeria, difamazioa... Arazoak eta galderak asko dira, baina Frantzia gobernatu nahi duten alderdi nagusiek ez dute erantzunik, ez dute programa politiko argirik, ez dute FNri aurre egiteko politika zehatzik. Manuel Vallsek demokraziaren gaitza herriarren sakrifizioarekin artatu eta sendatu nahi du. Kontrakarrean, Frantziako politikak bizi

duen gaitza frantziar herria emantzipatzeko baitezpadakotzat jotzen du Marine Le Penek.


FN Alemaniako nazien legatutzat joa da. Eskuinak, zentroak eta sozialistek erresistentzia hitza darabilte FNri aurre egiteko politikaz galdetzen zaienean. Bozen balorazioak egindako agerraldietan, FNk darabiltzan lelo berberekin amaitu dute euren diskurtsoa: *Vive la République* eta *Vive la France*. Bi lelo hauek laburbildu dute kanpainaren jitea. Alabaina, eskuin muturraren kontrakoek eskuineko politika sozialak babesten dituzte. Hau da, indarrean dauden eskuineko politikaren oposizioa FN eskuin muturra da. Alternatibarik ez dago. Paradoxikoki, klimari buruzko biltzarrean (COP21) Parisko karriketan manifestatu diren ezkerreko indarrek ez dute egungo demokrazia sisteman (foro eta parlamentuetan) ordezkari eraginkorrik.

"Venezuela bilakatu da Saudi Arabia berria, munduko botere banaketan giltzarria"

RAUL ZIBECHI, KAZETARI URUGUAITARRA

Petrolio erreserbetan munduko lehen herrialdea bihurtu da Venezuela. Petrolioaren geopolitikan, Saudi Arabia berria da, munduko gaurko eta biharko botere banaketan herrialde kabea. Alderatu zer nolako oihartzuna eman dioten hedabideek Nicolas Maduroren Gobernuaren kontrako manifestazioei, Saudi Arabiako erregimenari ematen diotenarekin. Neurgailu ezberdina erabiltzeko arrazoi nagusietakoa: petrolio.

LA BRECHA (2015/12/03)




GIPUZKOAKO HONDAKINEN BILAKAERA (2010-2014)


Erraustegirik gabeko aroa

Grafiko hauek osatzeko informazioa Gipuzkoako Hondakinen Kontsurtzioko webgunetik (www.ghk.eus) hartu genuen maiatzean. Handik pare bat astera (Aldundiko hauteskondeek ekarritako kargu aldaketen testuinguruan), informazio hau guztia falta zen.

GIPUZKOAKO UDALERRIEN BIRZIKLATZE MAILA 2014AN



MATERIA ORGANIKOA VS. ERREFUSA



Pertsonako eta urteko zenbat errefus sortzen dugu?




LEZO 36 kg
ASTIGARRAGA 41 kg
LEGAZPI 45 kg
HERNANI 57 kg
ANTZUOLA 62 kg
OÑATI 65 kg

70 kg baino gutxiago



IRUN 353 kg
DONOSTIA 288 kg
ZARAUTZ 268 kg
AZPEITIA 238 kg
LASARTE-ORIA 224 kg
EIBAR 215 kg

200 kg baino gehiago



LUIS JAUREGIALTZO / ARGAZKI PRESS

Ia 54.000 lagun, Osakidetzan 1.000 lanpostu lortzeko lehian

Unai Brea

@unaibrea

Abenduaren 12 eta 13an milaka pertsona bildu ziren Barakaldoko BEC era-kustazokan, Osakidetza-ren 2014-15eko enplegu publiko eskaintzari (EPE) zegozkion probak egiteko. Azaroaren 12 eta 13an Donostian egindako azterketak kontuan hartuta, guztira 53.930 lagun lehiatu dira Osakidetza-k eskaini dituen 1.014 lanpostuak lortzeko, enpresak berak emandako datuen arabera.

Osakidetza-k, EPEaren berri emateko hedabideei igorritako prentsa-oharrean, azpimarratu zuen legearen arabera aurrean eskaini zezakeen lanpostu kopuru handiena eskaini duela. Nola-bait, eta haiek aipatu gabe, sindikatuei emandako erantzuna izan zen, azken urte bietan Osakidetza-n eman den lan gatazkaren muin-muinean baitago EPEa.

Eskaintako 1.014 postuetatik, erdia baino ez dira berriak. Beste erdia barne promozioak dira, hau da, dagoeneko Osakidetza-k langile direnak baka-rrik aurkeztu daitezke horiek eskuratzeko probetara. 508 lanpostuberriko eskaintza oso urrun dago sindikatuek

–Osakidetza-n ordezkari-tza duten guztiek– eskatzen dutenetik. Haien ustez, gutxienez 3.000 lanpostu finko berri sortu behar dira, nola herritarrei kalitatezko zerbitzua emango zaiela hala beharginen lan baldintzak egokiak izango direla bermatzeko.

Gaur egun 26.000 inguru langile finko ditu enpresa publikoak, baina egunero jardunean askoz gehiago dabilta. Behin-behinekotasun tasa %35 ingurukoa dela kalkulatu dute sindikatuek. ELA-k argitaratutako *Osakidetza-n prekaritateari buruzko txostena* azterlanaren arabera, gogoan izan behar da EAEko batez besteko behin-behinekotasuna %20koa dela, eta Europar Batasuneko %14koa. Haien ustez, Osakidetza-k portzentajea ez litzateke %7tik gorakoa izan behar.

Langile kopuruari buruzko eskakizunaz gain, sindikatu batzuek proposamena egin dute EPE erdua aldatzeko, LABeko Edurne Agirreren ahotik jakin dugunez. Besteak beste, gaur egun indarrean dagoenak behin-behineko langileei eragiten dien kalteagatik. “Deialdi guztietara aurkeztu behar dute, diru kopuru bat ordainduta gainera, lan poltsatik kanpo geratu nahi ez badute”.

EKONOMIAREN TALAIAN

Bonbardatzeko eta hiltzeko zergak



Juan Mari Arregi

Europar Batzordean zerga arauak sakratuak dira, bonbardatzeko eta hiltzeko izan ezik. Erakunde honek bere bazkideen defizit publikoaz politika oso zorrotza darama eta gobernuek murrizketa sozialak justifikatzen dituzte (enpleguan, mepkotasuna arintzeko laguntzetan, pentsioetan, osasungintzan...) esanez Bruselak inposaturiko defizit helburuak bete behar dituztela. Defizit sakratuarentzat ez dago salbuespenik, ez behintzat gastu soziala handitzeko. Hertura eta murrizketak beste irizpideen gainetik daude, salbu eta armetan eta defentsan gastatu behar denean, orain Frantzia bezala, Estatu Islamikoak erasoia izan denean. Europar Batzordeak defizit publikoan zituen exigentziak ez betetzea baimendu dio Hexagonoari: Barne Produktu Gordinarean puntu erdi edo 10.000 milioi euro esan nahi du horrek. Armak erosteko zergatan bidea libre du Frantziak beraz, bonbardatzeko eta hiltzeko. AEBen, Txinaren eta Errusiaren ondoren, Frantzia da aurrekontu militar handiena duen herrialdea –62.000 milioi euro urtean, BPGren %2,2–.

Ezagun ditugu Europako ateetan oso tantaka hartzen ari diren Siria, Irak eta Afganistango errefuxiatuen dramak. Europar-amerikarren politika kolonialista, inperialista, geoes-terategiko eta belikoaren biktima dira, baina haientzat ez dago dirurik. Bai ordea herri haiek bonbardatu eta hiltzeko. Europar Batzordea koherentea da arma industriaren lobbyekiko eta den bezalakoa azaldu zaigu: merkatuen Europa, kapitalaren Europa. Ez dago dirurik politika sozialentzat, defizit publikoaren helburuak bete behar direlako. Badago dirua bonbardatzeko eta hiltzeko, defizitak ziztuan gora egiten badu ere.



NEREA LIZARRALDE / IRUTXULOKO HITZA

Metroaren aurkako lehen mobilizazio jendetsua Donostian

AZPIEGITURA HANDIAK. Ez dela beharrezkoa aldarrikatu eta metro proiektua geratzeko eskatu dute 2.000 herritarrek baino gehiagok Donostian. Sator Alaia kolektiboak deituta, gaiaren kudeaketan gardentasun eza nabarmendu dute. 200 milioi eurotik gorako kostua izango duela gogorarazi eta diru hau bestelako zerbitzu sozialetara bideratzeko eskatu dute.

Parisko klimaren gailurra: adostutakoa ez da nahikoa

Unai Brea

@unaibrea

Iragarrita zegoen legeaz, lehen aldiz munduko estatu guztiak barne hartuko dituen hitzarmena adostu dute Parisen egindako COP21 klimari buruzko goi-bileran. Adostutakoa lausoegia da, ordea. Proposatutako mekanismoak ez dira nahikoa izango ezarritako helburuak betetzeko.

2 °C-tik behera

Helburu handinahia ezarri dute: Lurreko tenperaturaren igoera, industrializazioaren aurrekoarekin alderatuta, 2 °C-tik "ondo behera" mantentzea eta ahalegina egitea 1,5 °C-ko muga ez gainditzeko.

Murritzeta planak ez dira lotesleak

AEBak jarritako ezinbesteko baldintza izan da. Herrialde bakoitzak bost urtero aurkeztu beharko dizkio NBERi gas berotzaile igoerpenak murrizteko dituen planak, baina ez dira lotesleak izango.

Klima neutraltasuna

Petrolio ekoizleen garaipena izan da "deskarbonizazioa" ez aipatzea. Horren ordez, neutraltasun klimatikoak jarri da helburu: gas emisioak orekatzea basoek xurgatzen dutenekin eta bitarteko teknologikoekin.

KRISIA



%6,6

da krisi ekonomikoak eraginda azken sei hilabeteotan laguntza psikologikoa eskatu duten biztanleen kopurua EAEn, Deustoko barometroaren arabera.

%24,7

dira dentistara joateari uko egin diotenak, %5,2 arropa eskatu dutenak eta %3,9 jana eskatu dutenak.



FRANKISMOKO KRIMENEN AURKAKO PLATAFORMAK SARIA

Eusko Jaurlaritzako Bake eta Bizikidetzarako idazkaritza nagusiak giza eskubideen arloko René Cassin saria eman die frankismoaren krimenak auzitara eramane dituen plataformako kideei.



ZUBEROAKO LEHEN HAURTZAIN ETXE EUSKALDUNA

Ttipi Ttapa elkarteak iragarri du Xübükota euskarazko haurtzain etxea zabalduko duela Maulean, 2016ko urtarilean. Zuberoan haurtzaintza zerbitzuak osoki euskaraz eskaintzen dituen lehen tokia izango da.



ORDAINSARIA LANERA BIZIKLETAN JOATEARREN

Frantziako Gobernuak martxan duen programak 25 zentimo kilometroko ordaintzen die lanera bizikletan doazen langileei. Sei hilabeteko programa pilotua da, eta arrakasta badu Estatu osora zabaldu lezakete.